

ipse venit & saluabit nos. Tunc aperientur oculi cecorum, & aures surdorum patebunt, tunc saliet, sicut ceruus, claudus, & aperta erit lingua mu torum. Et capitul. sexagesimoprimum, de eius predicatione, Spiritus domini super me, eo quod vinxit me, euangelizare pauperibus misit me. Sic habet translatio. 70. licet translatio nostra ponat, mansuetis, vbi alia habet pauperibus. Et ita allegat Lucas capitul. quarto. Sonat ad idem Ela. capit. vigesimonono. Et quia secundum Chry. discipuli Ioannis aliquando inuidebant Christo, sumpta occasione ex miraculis Christi, quæ Ioannes nunquam faciebat, quem ipsi carnaliter dilexerunt, auisat eos dominus, dicens, Beatus, qui non fuerit scandalizatus in me, scandalum accepto, non dato, quomodo vos scandalum accepistis. Potest etiam verbum hoc generaliter ad omnes referri, Beatus, qui non scandalizatus fuerit in me. scilicet dubitando de diuinitate mea, quia me vident in carne passibili.

Vel vt Greg. in homil. vult ad dominum mortem referendum est, quia stultus videbatur hominibus, vt pro hominibus autor vitæ moretetur. Vnde vult dominus dicere, Mira quidem facio, sed abiecta perpeti nõ dedignor. Quia ergo moriendo te subsequor, cauendum valde est hominibus, ne in me mortem despiciant, qui signa venerantur. Sequitur secunda pars de Ioannis commendatione, quæ nunc propter breuitatem relinquitur. Et tantum de prima parte sermonis.

Quibus signis cognoscemus si Xps venit in mentem nostram.

Quo ad secundum, Audistis signa, quibus dominus se ostendit venisse in carnem secundum oracula prophetarum. Possimus autem eiusdem signis spiritualiter intellectis cognoscere aduentum domini occultum in mentem, ad sanctificandum habitacula animarum. Valde nobis necessarius est ille aduentus, quo nisi reformemur, nihil commune nobis erit cum electis Dei, quia secundum Apostolum, Roma. 8. Si quis spiritum Christi non habet, hoc non

est eius. i. non est membrum Christi. Sed quicumque spiritu Dei aguntur, hi filii Dei sunt, & cætera, quæ ibi sequuntur. Non enim illabitur menti hominis Christus solus, sicut neque est solus: illabitur & pater, illabitur spiritus sanctus simul veniunt, simul recedunt. Sicut ipse filius ait Ioan. 14. Si quis diligit me, sermonem meum seruabit, & pater meus diliget eum, & veniemus ad eum, & mansionem apud eum faciemus. Beatus verò (ait Bern. sermone 2. de aduentu domini) apud quem mansionem facit dominus Iesus, beatus, in quo sapientia ædificauit sibi domum, beata anima, quæ sedes est sapientiæ. Si ergo placuerit hunc tam saluberrimum Christi aduentum agnoscere, scrutemur interiora nostra. Si interioris nostri hominis illuminata est cecitas, si erecta est clauda obliquitas, si mundata est leprosa carnalitas, si soluta surditas, si viuificata mortalitas, si tandem ditata est spiritu aliorum infusione charismatum paupertas. Hæc sunt, quæ operatur in anima occulte veniens, qui venit saluum facere, quod perierat. Luc. decimonono. Veruntamen gradatim has operatur sanitates, incipiens ab ea, quæ ultimo nominata est, ascendens donec animam, quam inhabitat, prouehat ad perfectum.

Primum ergo quod infallibiliter illa bendo operatur est, quod animam virtutum inedia pauperem ditat donis, ac virtutibus, præsertim infundendo excellentissimum donum gratiæ, & charitatis. Nam & si aliquando cætera donat, seipsum non donando, aut se donat per illapsum, quædã alia nõ donando, quia diuisiones gratiarum sunt. Nunquam tamen sine se charitatem, aut sine charitate seipsum donat, vt trahant doctores circa distinctio. 14. primi sententiarum. Et forte dicis, Quomodo sciam si charitate ditatus sum, cum & ipsa oculata datur? Effectus eius sine dubio manifestabunt eam, quos annumerat apostolus. i. Co. 13. Charitas enim benigna est & misericors erga proximum, nec æmulari, non agit perperam. i. per

Necessarius est homini Christi aduentus in carnem & in mentem.